

金石

故事

志餘

附叙錄

元氏縣志

數

金石

鐘鼎彝器自昔不知保存或逐漸埋沒然自漢唐以來碑碣不少概見謹擇其有考古價值者分誌於下

漢

封龍山碑

延熹七年

天下碑錄云在獲鹿南四十五里山上

鄭夾漈金石略鎮州

惟封龍山者北嶽之英接三條之別神分體異口在口邦內礫口口名與天同燿能蒸雲興雨與三公靈山協德齊勳因舊秩而祭之以爲三望口亡新之際去其典祀延熹七年歲口執涂月紀豕韋常山相汝南口波蔡翬長史甘陵廣川沐乘敬天之休虔恭明祀土陳德潤加之於百姓宜蒙珪璧七挂法食聖朝克明靡神不舉戊寅詔書應時聽許允勅文吏郎巽詩與義民修

繕故祠遂采嘉石造立觀闕黍稷既馨犧牲博碩神歆感射三靈合作品物
流行歲實嘉穀粟斗三錢天應玉燭於是紀功刻勒以炤令問其辭曰 天
作高山實惟封龍平地特起靈亮口通嵯峨崦嵫峻高麗無雙神耀赫赫理物
含光贊天休命德合先疆惠此邦域以綏四方國富年豐穡民用章刻石紀
銘令德不忘口口口口元氏郎口平棘李晉史九門張瑋靈壽趙穎縣令
南陽口口口口口口口口口口口口石口口口趙口張口口口口口

右碑隸書無額無穿共十五行行二十六字第一行書元氏封龍山之頌七
字文從第二行起第五行空十三字第九行空二十一字第十行頌辭第七
二行空十四字頌完第十三行書元氏郎九
門靈壽南陽及石師姓名上角缺短十四字

三公山碑 光和四年

集古錄目云在定州金石錄云在正定元氏定州與元氏縣今屬真定府後
漢郡國志常山郡元氏有三公寨即此山也州漢爲中山國集古誤也

顧南原漢碑考額題云三公之神四隸字兩旁又有封龍君靈山君六隸字
頗大隸釋云封龍與靈山是兩山之名揭其神於額之旁即是配食三公之

祠光和四年左尉樊子義立而贊美舉將馮巡幾二百言馮君乃常山相也金石錄云集古以爲北嶽碑豈歐陽公未嘗見其額乎

鄭夾漈金石略未詳

雲雨天有九部地有八口天地通情神明別序則有九山北口口主北條之
 山口口陟阻上爲魁首口持陰寶口號三公厥體崇厚峻極于天鼎足而口
 二部宗祀迺奉口忙明公喜口口口兆觸石出雲不崇而雨除民口癘莫
 不口口德配五嶽王公所續四時珪璧月醺酒輔口公降靈口口口口口
 得走列口羣后或口王寧輔口口口雨時降和其寒暑年豐歲稔介我稷
 黍倉廩旣盈以穀士女珪口得進陳其鼎俎黃龍白鳩伏在山所禽獸口口
 億而爲耦草木暢茂巨仞不數而民知禁順時而取皆受德化非情能者願
 明公垂恩罔極保口國君羣黎百姓孔受元恩光和四年歲在辛酉四月壬
 朔二日甲子元氏左尉上郡白土樊瑋字子義瑋以口口口陵側陋出從

幽谷遷於喬木得坐中州尸素食祿常以口口歸于鄉族明命謹得以口足
口口口口道無拾遺消口口難路無怨謫得應簾選貢名上恩靈祇福祚施
之口冊感恩食德立銘刻石乃作頌曰口口口明公褒所口口山谷口口石
巖巖兮口登口口俟羣神兮興雲致雨除民患兮口口肅恭德口口口兮四
時奉祀黍稷口兮口用握尺視口口兮百姓家口國富殷兮仁愛下下民口
親兮遐邇携口來荅雲兮或有薪采投輻檀兮或有口口阻山口兮或有口
口口口耘兮或有口口追口言兮或有恬淡養皓然兮或有呼吸求民心兮
跂行口是皆口恩兮口俗禁口口口口口口傳子孫兮刻石紀德示
後昆兮口永不弊億載年兮舉將南陽冠軍君姓馮諱巡字季祖克修六經
之要析甄口口之口受命北征爲民父母攘去四殍戒爾元口姦邪越境風
移俗改恭肅神祇敬而不忘皇靈口口風雨時節麗民執耜或耘或耔童妾
壺饌敬而賓口稼穡穰穰穀至兩錢菽粟如火咸懷仁人尹口前喆口口季
文馬饒稂秀不爲苛煩愍俗陵遲訓口口口山無隱士口無口民懷遠以德

幕近以口百姓口歌口得致口君功參周邵愛行于天長履最福子子孫孫
將口口甘陵甘陵夏方字伯陽令京兆新豐王翊字元輔承口口口口李邵
字公興石沛口口存

右碑隸書穿項穿古十四字共二十三行行四十字第三行空二十二字第
七行空二十三字第八行空二十二字第十行空十八字第十二行空二十
一字第十七行空二十五字第二十二行空三十七
字末一行書官姓名又末一行行底五字模糊難辨

無極山碑 光 and 四年

字原云在眞定府一統志云無極山在元氏縣西三十里上有無極神祠并
漢隸碑刻即此碑也

額題無極山碑四篆字隸釋云男子蓋高范遷請於太常乞官給珪璧四時
祀具詔許之吏民更造廟宇而立此碑金石略光和八年鎮州

右碑穿項隸書共十九行行字多寡不等風日剝蝕
字跡漫漶大半不可辨識並題額四字毫無筆跡

白石神君碑 光 and 六年

顧南原古碑考云在今無極縣按此誤無極
山爲無極縣

題額云白石神君碑五篆字爲一行文十四行行三十五字空一行方刻銘又空一行書年及常山相史丞尉掾史石師姓名共二行後空一行有燕元璽二年題字元璽慕容雋號聞有碑陰予未見之隸釋云漢人分隸固有不工者或拙或怪皆有古意此碑雖布置整齊略無纖毫漢字氣骨全與魏晉間碑相若雖有光和紀年或後人因舊文再刻者乎

金石略未詳

蓋聞經國序民莫急於禮禮有五經莫重於祭祭有二義或祈或報報以章德祈以彌害古先哲王類帝禋宗望于山川徧于羣神建立兆域修設壇屏所以昭孝息民輯甯上下也白石神君居九山之數參三條之壹兼將軍之號秉斧鉞之威體連封龍氣通北嶽幽讚天地長育萬物觸石而出膚寸而合不崇朝日而澍雨沾洽前後國縣屢有祈請指日刻期應時有驗猶自挹損不求禮秩縣界有六名山三公封龍靈山先得法食去光四年三公守民蓋高等始爲無極山詣太常求法食相縣以白石神君道德灼然乃具載本

末上尙書求依無極爲比即見聽許於是遂開拓舊址改立殿堂營宇既定禮秩有常縣出經用備其犧牲奉其珪璧潔其粢盛旨酒欣欣燔炙芬芬敬恭明祀降福孔殷故天無伏陰地無蠱陽水無沉氣火無灾燁時無逆數物無害生用能光遠宣郎顯融昭明年穀歲熟百姓豐盈粟斗五錢國泰安甯爾乃陟景山登崢嶸采元石勒功名其辭曰

巖巖白石峻極太清皓皓素質因體爲名惟山降神髦士挺生濟濟俊乂朝野充盈灾害不起五穀熟成乃依無極聖朝見聽遂興靈宮於山之陽營宇之制是度是量卜云其吉終然允藏匪奢匪儉率由舊章華殿清閑肅雍顯相玄圖靈像穆穆皇皇四時禋祈不愆不忘擇其令辰進其馨香犧牲玉帛黍稷稻粱神降嘉祉萬壽無疆子子孫孫永永番昌光和六年常山相南陽馮巡字季祖元氏令京兆新豐王翊字元輔長史潁川中屠熊丞河南李邵左尉上郡白土樊諱口祀椽吳宜史口徹石師王明

燕元璽三年四月十日主簿程口口口白石將軍教口祠今日口口口口

碑陰

首四行列務城神君錢李女神君歸石神君壁神君中上兩橫隸書列主
簿祭酒都督姓名共二十三人下皆小字正書記出錢人村莊姓名右偏
有重修口口記泐二字上左偏載
真定府石匠谷亮下數字漫漶

漢白石神君碑并陰考

漢碑在元氏者四八都神廟碑見天下碑錄舊無考三公無極二山碑見歐
趙諸名家著錄今失傳縣志皆未載其存焉者爲白石山碑據縣志山在縣
西北五十里神君祠久圯萬歷間知縣劉從仁重建於蘇莊碑移城內開化
寺左曝書亭集跋云碑在無極縣府志無縣字立石者常山相南陽馮巡元
氏令京兆王翊與集古錄所載無極山碑略同隸辨云碑在無極縣額題白
石神君碑篆字一行文十四行行三十五字空一行刻銘又空一行書年及
常山相等姓名共二行後空一行有燕元璽三年題字元璽慕容雋偽號隸
釋云漢隸或拙或怪皆有古意此碑雖布置整齊無漢字氣骨全與魏晉碑
相若或用舊文再刻者考曹魏碑禁甚嚴此碑昭字師字皆晉人所諱其非
晉人重刻可知元璽三年題字惡劣與碑文迥殊明係後人妄增洪氏並全

碑疑之過矣朱氏顧氏稱碑在無極縣据碑銘乃依無極而言不知碑文明載求依無極爲比先是無極立祠立碑矣今依此例焉耳非謂碑在無極也碑在無極不應立石者爲元氏令乃博洽者輒復云云何哉碑載元氏令王翊今府志沿畿輔志之訛以光和爲元和列唐名宦當以碑爲正又通志載無極山在元氏謂漢置毋極縣取此

縣志此取字爲子

唐萬歲通天間改母作無今

碑實作無云顧氏聞有碑陰未之見朱氏雖見碑陰亦未加辨識按碑陰首四行列務城神君錢李女神君礪石神君璧神君義錢礪石見山海經石之似玉者礪同璫朱跋作磚疑係筆誤餘未詳中上兩橫列主簿祭酒都督共二十三人首行主簿姓名漫漶似二名及字餘俱一名及字昔人謂東漢鮮二名良然主簿字從卅與武榮碑韓勅碑陰同漢隸竹部字多作卅也以上皆隸書是與碑文同時刻者兩橫下皆小字正書紀出錢姓名錢省作丩畫字天斜人數猥尤右偏有重修口口記泐二字上左偏載真定府石匠谷亮下數字漫漶漢光和時元氏爲常山郡治五代間始有真定府名目此則後

世續刻者也是碑石墨鐫華金石史均未之及不無疎漏通志載元氏白石神廟白石山則附常山下不載漢碑府志僅載朱跋縣志將碑文刪減殊乖志體乾隆乙卯德昭莅教諭任移碑於學之敬業堂左偏爲採撫以存巔末俟考古者審定焉

右石正書在學署敬業堂東壁嵌置舉人王任之書

祀三公碑

因無年代文中有三公字樣俗呼爲祀三公碑云

□□□常山相壠西馮君到官承饑衰之後□惟三公□□山之條□□神
□在縣西吏民禱祀□雲膚寸徧雨田□□□□蝗旱□□民□□□醺
祠帝□□□□由是之來和氣□□乃□□□□其口弘三公□廣其
靈□神處幽□□□之□□卜擇吉□東□衡山建堂立壇雙闕夾門□牲
獻禮以甯其神神喜其位甘雨屢降報如影響國□大豐穀斗三錢民無疾
苦永保其年□□□國顏□五官掾閭裕戶蘭史紀受將作掾王稱元氏令
策匡丞吳晉廷掾乾□戶蘭史翟福□高菱刊石紀焉

右碑無穿篆隸相兼其十行字多寡不等長匾迥殊有兩字占一疎懈者
有一字占兩字格者甚或一字上半筆畫多却短促下半筆畫少而疎懈者
不事配合之工絕無贅石考明成化間重修八都神廟記云昔人以郡山口當
年爲八都神廟所刊之石考明成化間重修八都神廟記云昔人以郡山口當
遠難於祈禱遷於郡城之西門外立八都神像以像八都神廟記云昔人以郡山口當
巡歷於祈禱遷於郡城之西門外立八都神像以像八都神廟記云昔人以郡山口當
前明及順治初年續修邑志之時白石神君碑尚在八都神廟則此碑雖有
三公字樣其在八都神廟豈立可知也况文後所列官名皆係漢制其爲漢碑
無疑

八都神廟碑

天下碑錄云在鎮州元氏縣西北二十里廟壇下光和中立

金石略鎮州

按此碑無考或埋沒風塵中亦未可知○又按元氏漢碑三通封龍頌延熹
七年三公無極皆光和中四年白石神君光和中六年前祀三公並無光和中樣
考舊志載八都神君碑文一文未載則唐開耀年間所立也文中云忽有得神古文
一則白石神君碑文一文未載則唐開耀年間所立也文中云忽有得神古文
碑有口無頌體製規模則元和碑之无偶也天下碑錄云云光和中立
者恐誤唐爲漢以唐碑文中曾有光和中字樣也但唐碑係正書詳後

以上五碑屢經遷徙今白石神君碑在學署敬業堂東壁嵌立教諭劉德昭
移置其四在文清書院東廡內知縣劉寶楠移置

晉

定光佛鐵塔記

於舍口或以掩口靈平本茂西口行一基口臨分泣列常山景物盡嘉氣口行二

帝街寺安城方近康衢始臨園行三口情懷純素志慕高奇乃卜此幽居行四隆

暑風清到者栖心頓消口塵口行五口幽勝結寘香壇冥禱金容期口行六世是

院也景麗高明勢離大口行七山東眺平川對茂林口秀錦當行八城播績務致

勝因之福田口行九舍利貯餅口囑且頻永笛行十口固一言既發衆口咸口行十一

朽刻檀木以恐隳遂行十二口口五月內起口口行十三遂梵汗清純常口行十四

行口梯導續以淩口行十五

素聞吾邑署中有右軍所書碑碣碑已折壞僅存半截以在衙署未見其石

茲修邑志聞石已失落榻本復經久不獲中心快快後於同事景君芷汀家

得之以因頭登載以望完璧

右石行書高一尺四寸七分寬一尺七寸係碑中截右角折壞縱八寸橫一尺二寸斜一尺五寸五分共十六行一行一百五十九字可識者一百五十字第一

以前行書院定光佛鐵塔記行末有一邢字中有數語可讀殆常山郡治未移

一年春爲某
公裏載而去

元魏

三級浮圖頌碑

元像二年

按元像無二年但古人改元率以爲常有之必皆在正月漢碑考中紀年如是者多有之

右碑正書額篆書凝禪寺三級浮圖之碑頌十大字作五行二年歲在申二
月上截長鐫文共三十四行行三十五字末行書大魏元像二年歲在申二
月乙未朔口口五日乙酉造刊口訖下截記人姓名共三十八行每行八
排寫上兩排記郡縣官姓名共六十九人下六排共二百三十三人按此
字跡磨滅者十之三尚可讀文中頌建浮圖語頗多但居士融係
趙國後裔本屬世家脫然無累自是高尙之士爰節錄碑文於後

趙居士諱融字祖和元氏人也其先與秦同姓至周穆王造父有駮駟之勲
賜姓趙氏又匡弼晉君暨於武靈王布錦千城散苒萬國郁郁顯於篆冊穆
穆聯至於斯矣遠祖蘭漢司徒公征口將軍都督內外諸軍事冀州刺史趙
郡公纂珪芳於累葉遂因封此 即共長兄浮陽太守文奴元氏令文口邯
鄲令貳奴元氏令靈和房子令靈宣長兼參軍卞和兄弟等孝友恭良率鄉
賢道俗二千餘人等竝信敬元深體空虛寂詳造三級浮圖凝禪寺云云

按碑

舊在北白婁凝禪寺中知縣劉
寶楠移置文清書院東廡內

北齊

齊故李功曹墓銘

武平五年

君諱琮字仲璵趙國平棘人也將軍牧御敵於全趙司隸膺扶危於頽漢高門有元世不乏才譬北別增鎮地之峯東流之浮天之浪曾祖兗州史君祖幽州史君冠蓋朝倫儼作模楷父潁州史君風度閑遠鬱爲領袖君濯自朱藍學因以治比桂樹於幽山辛香可味同門玉於鐘領光澤皎然禮作身基仁爲行本孝著閤門信在遊舊處厚遺薄採實損華賢賢易色恂恂鄉黨得真自我不殉名利輕財重義後已達人往來行言稠直如髮率由天骨不開虛矯郡將酈伯偉口爲功曹性不驕誕入朝汎愛輸心委質惟慎在恭與之言者如受口帛與之交者若飲醢醢外潤內朗明閑世事文薄堆案下筆如流豸角生疑片言能折既口公孝時聞坐嘯之謠還類范滂更聽晝諾之語期之眉壽老而增智月旦人品准的州閭漏盡易摧日斜不係歸口宗而莫還共公明而治鬼武平二年五月丁未朔廿二日戊辰口於孝惠裏舍時年

五十有五武平五年正月壬戌朔十二日癸酉祔於先君之墓次暑往寒來
天長地久勒高風於元燧播芳塵而莫朽其銘曰南通陽魏北接陰燕地爲
全趙世挺英賢松貞筠直蘭馥芝鮮本枝盡茂口瘳同然種自龍媒篤生奇
士似珠四照如驥千里心亡得喪色無愠喜自本窮末善終令始優遊卒歲
載笑載吟一丘一壑橫古橫今財色是擯文史能珍人之愛我如玉如金聞
自古賢少遊有語直道仕郡風流容與盛德涼溫州閭見許好善能至除惡
必去時屬元龍我爲季弼意得魚水上下和密主耳亡身周旋無失年將十
紀心之如一寸陰不惜尺日俄淪人生詎幾飄若栖塵一窳寒燄非復陽春
死可贖也人百其身

唐

右石正書未詳何人撰文何人書丹銘後記父道留安東將軍瀛洲驃騎府
長史曲陽男妻魏氏子四人娶某氏女七人適某人按咸豐年間治南十二
里張村王生某掘土得此石適有人掘去邑候
劉寶楠見之從王生家移置署內東花廳中

彌陀頌碑

顯慶三年

右碑正書額題大唐信法寺彌陀象碑三行九大字舊立本寺知縣劉寶楠
移置文清書院東廡內按碑文縣尉鄧萬英撰前段泛言釋教後段備美真
容末有讚詞模糊難辨茲節錄中段於後

太宗文皇帝重光御極體睿凝口始自憂勤宵羣飛於海外賜之仁壽拯塗
地於寰中氈裘板屋之酋人口封而請吏雕題鏤胸之長欵郊甸以相趨蠢
爾三韓不供貢職肆梟獍於君主施鳩毒於口黎士口憂惶道路以目既慘
納隍之慮爰奮斯赫之怒爾乃親宏廟略問罪遼東義勇爭先水陸齊舉桂
國李口徵都維那飛騎尉口遺願會應募一百人等懷忠應募蓄銳作口被
組練之衣參熊羆之旅雖以王者之師有征無戰而蠱蜚有毒儻或口凶遂
乃同德同心願造彌陀像一鋪既而登口果以電邁跨渤澥而天臨一戰寒
旗瓦解冰泮擒鑿齒於華野繳大風於青丘刻琬琰於丸都飲驂騶於口渚
元氏縣一百人等並推鋒於口杵之地賈勇於先鳴之晨厠丘山之隆賞預
川坻之嘉會名節書於王府勳庸被於管絃竟免口於髮膚終不離於霧露
豈非幽明叶贊神功不測者乎於是思報慈恩咸伸本願旁求班爾嗣彼優